



**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

cxxxvii [i.e. v]. Determinat eam ad individuum.

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

creatura determinari dedecet , cùm non determinetur ex necessitate aut indigentia, sed quia liberrimè vult sic determinari. Neqùe hìc valet argumentatio : omnis creature procedit à Deo , determinatio ut determinatio est creature : ergo procedit à Deo ; quia committitur fallacia figuræ dictio[n]is, qualificando aliquid in minore, quod qualificatum non erat in majore , uti etiam fit in hoc syllogismo : *quidquid emisti comedisti , carnes crudas emisti, ergo* : de cætero utiqùe res, quæ est formalis determinatio, est creature , & procedit à Deo simul & creaturâ.

V. Determinatur vice versa creature, tam libera, quam necessaria à Deo ad individuum actus, sive Deus ratio est , cur procedat hoc individuum præ alio omnino simili ejusdem speciei ; causa enim secunda, cùm omnia individua ejusdem speciei possibilia non discernat , ad hoc præ illo producendum se nequit determinare, & consequenter ad hoc libera non est , et si libera sit ad ponendum hoc individuum præ oppositæ speciei individuo. Neq; etiā ad hoc determinatur à natura constitente certam seriem individuorum ordine producentorum ; hoc enim absq; fundamento.

mento asseritur. Neq; à tempore, loco aliisq;
circumstantiis, utpote quæ indifferentes sunt,
ad quæcunq; ejusdem speciei individua; ergo
à Deo. Non determinat auté ille voluntatem
ad individuum, postquam illa determinaverit
se ad speciem actus, cùm determinatio dei ad
specie facta à creatura, & determinatio crea-
turæ ad individuum facta à Deo sit eadem
entitas; sed determinat illam antecedēter per
tale decretum: *velo hic & nunc concurre cum*
Petro, *vel ad actum amoris tantum, vel ad*
actum odii tantum, vel ad utriusq; omissionem
Tantum, per quale decretum redundunt vo-
luntati omnia alia individua impossibilia.

VI. Concursus Dei in actu secundo est in-
distinctus ab operatione causæ secundæ, sive
Deus & creatura per eandem omnino actionem
influent in effectum. Dato enim, Deum
creaturis immittere præmotionē physicam,
insuper debebit in actu secundo simultaneū
concurre ad effectum; alias immediate
non influet in illum; neq; tamen hic concur-
sus Dei distinctus ab ista prævia præmotione
est simultaneus distinctus concursus à con-
cursu creaturæ; alias concursus creaturæ, per
quem ipsa sola influit in effectum, non de-
pen-